

Glaubensbekenntnis KUW-Lager 2018

Mir gloube a Gott, Jesus Christus u a Heilig Geischt.

Gott isch dä, wo über üs isch u wo wiene Vater isch.
Är isch do, wemänä brucht, steit 100% hinger üs, aber är isch ou dä wo üs useforderet.

Jesus isch wiene guetä Fründ u Brüetsch uf Ougähöchi. Är kennt mi, weiss wieni bi, u i muess mi ni verstouä für ihn, wüu är akzeptiert mi so, wieni bi.
Weni Fähler mache i mim Läbe u sä ou ihgseh, de vergit är mir.

Der Heilig Geischt schafft d Verbindig vo üs Mönsche zu Gott ih üsem Härz. Är entfacht de Gloubä ih üs.

Mir hei säuber erläbt, dass es Gott git u gloubä, dass de Heilig Geischt üs s'Vetrouä uf ihn gweckt het.
Mir gloubä, dass Gott ä Wäg und äs Zieu für üses Läbe, für aui Mönsche und di ganzi Wäut parat het. Mit sire Hiuf wärde mirs erreiche, ou wemer mängisch nid die chürzischti Route näh.

Mir gloubä, wüu är nimmt üs schwäri Entscheidigä ab u stercht üs dür das dä Rügge u git üs Sicherheit.

Mir wei mit ganzem Härze Gott liebe, üsä Läbeswäg mit Jesus goh u fou u ganz ufe Heilig Geischt vertrauä.

Amen